

Фермүр оч, хөөчнрт дөнъ болх кергтә

Яшкульск района „Кировский“ совхозин 3-ч фермин (управляющнь ұр Глазов) хөддәс ик гару гарчана. Зуг ноябрь сард эн фермд 79 хөн ұкв, декабрь сарин 15 куртл 20 хөн ұкв. Юньгад ним ик гару гарчахмб?—гихлә, хөд ұвлзұлгънд белдврин көдлмшиг муугъар кесн уршг, дакад зооветеринарн көдлмш ик сулар кегдсн учр болджана.

Гурвдгч фермин хөддәс юньгад ним ик гару гарчакхин тускар сәәнәр шинджлдж хәләдж,

цааранднь хөддәс гару уга болдгин эв-аргъинь хәәдж, ұвләс хөддән эрұл-менд гаргъдгин аргъ хәәджәхми уга. Ганцхн ах хөбч ұр Кальмульдиновин отарас 30 хөн ұкв. Совхозин болн фермин зоотехникуд болн эмчнр келу хөн ұксн болна, теду актс бичәд, совхозин бухгалтерур йовулчкад, санапр бәәцхәнә.

Увл ирәд, киитн эклчкв. Болв ах хөбчнр Майкеев Каримин болн Сариев Кизягин хөдднь газа бәәцхәнә. Эн хөбчнрин отармуд ұвлзх хаша-хаацнь ода чигн тосхгддж луусглад уга. Увләр болн эрт-хаврар хургълх хөблт гидж тосхсн дулан хашад хөд хургълулдж болшго. Тер юньгад гихлә, хашан оран бахнсь матигъад, нури гиджәнә. Нам тер хашан ора деер икар цасн ухла, нурдж одхдан магъд уга.

Гурвдгч фермин хөблт гидж 3600 тонн өвс белдсн бәәдж. Зуг тер өвсән хөд ұвлзх газрур зөбдж эс хурадж. Ода ах хөбчнрин Майдеевин, Сариевин, Гаряевин, Урналиевин болн нань чигн хөбчнрин отармудт зуг тавхн хонга хот белдсн бәәнә.

Совхозин директор ұр Землянский М. М. болн парторганизацин селәтр ұр Спиридонов Н. Ф. хөйр, гурвдгч фермин хөд ұвлзджәх газрумудт ик аямшгтә болджахинь ұзә—медә бәәсн бийнь, санапр бәәцхәнә.

Хөддән ұвләс эрұл-менд, гару угагъар авч гархин төлә чик сәдилән өгч, өдр-сө гидж тооллго, арднь орлж, кергтә хамгар болн хот-хоолар теткдж асрх-эркн төр болджана.

В. АЛЕКСАНДРОВ.